



I-VI/2021

Тархаасан: 2021 оны 9 дүгээр сарын 10



## Улсын нийт гадаад өр өмнөх оны мөн үеэс 2.1 тэрбум ам.доллаар өсжээ.

Улсын нийт гадаад өр 2021 оны эхний хагас жилд 33.0 тэрбум ам.доллар болж, өмнөх оны мөн үеэс 2.1 (7.0%) тэрбум ам.доллар, өмнөх улирлаас 471.1 (1.5%) сая ам.доллаар өссөн байна.

Нийт гадаад өрийн 36.4 хувь буюу 12.0 тэрбум ам.доллар нь шууд хөрөнгө оруулалт, компани хоорондын зээллэг, 26.4 хувь буюу 8.7 тэрбум ам.доллар нь бусад салбарынх, 25.6 хувь буюу 8.4 тэрбум ам.доллар нь Засгийн газрынх, 6.7 хувь буюу 2.2 тэрбум ам.доллар нь Төв банкных, 4.9 хувь буюу 1.6 тэрбум ам.доллар нь Төв банкнаас бусад хадгаламжийн байгууллагынх байна.

Улсын нийт гадаад өр өмнөх оны мөн үеэс өсөхөд шууд хөрөнгө оруулалт, компани хоорондын зээллэг 972.1 (8.8%) сая ам.доллар, бусад салбарынх 588.3 (7.3%) сая ам.доллар, Засгийн газрынх 556.0 (7.0%) сая ам.доллар, Төв банкных 110.8 (5.3%) сая ам.доллараар өссөн нь нөлөөлжээ. Харин Төвбанкнаас бусад хадгаламжийн байгууллагынх 83.1 (4.9%) сая ам.доллараар буурчээ.

### ХҮСНЭГТ 1. УЛСЫН НИЙТ ГАДААД ӨР, жил бүрийн эхний хагас жилийн байдлаар

Үзүүлэлт	2018 I-VI	2019 I-VI	2020 I-VI	2021*I-VI	<u>2021* I-VI</u> 2020 I-VI
	сая ам.доллар				хувь
<b>Нийт гадаад өр</b>	<b>27 661.0</b>	<b>29 689.8</b>	<b>30 814.0</b>	<b>32 958.1</b>	<b>107.0</b>
Засгийн газар <sup>1</sup>	6 929.3	7 246.4	7 891.2	8 447.2	107.0
Төв банк	2 064.7	2 033.9	2 083.9	2 194.7	105.3
Хадгаламжийн байгууллага (Төв банкнаас бусад)	2 310.8	2 244.8	1 702.9	1 619.8	95.1
Бусад салбарууд	7 895.5	8 508.7	8 105.7	8 694.0	107.3
Шууд хөрөнгө оруулалт:					
Компани хоорондын зээллэг	8 460.7	9 656.0	11 030.3	12 002.4	108.8

Эх үүсвэр: Монголбанк

<sup>1</sup> Зах зээлийн үнэлгээ, аккруэл суурьд үндэслэсэн дүн

Засгийн газрын нийт өр 2021 оны эхний хагас жилд 27.1 их наяд төгрөг болж, өмнөх оны мөн үеэс 1.2 (4.5%) их наяд төгрөгөөр өсөж, өмнөх улирлаас 237.6 (0.9%) тэрбум төгрөгөөр буурсан байна.

Засгийн газрын нийт өр өмнөх улирлаас буурахад дотоод өр 90.5 (8.0%) тэрбум төгрөг, барих-шилжүүлэх төрлийн концесс 79.4 (9.4%) тэрбум төгрөг, гадаад өр 58.8 (0.2%) тэрбум төгрөгөөр буурсан нь голлон нөлөөлсөн байна.

Засгийн газрын нийт өр өмнөх оны мөн үеэс өсөхөд гадаад өр 1.6 (7.2%) их наяд төгрөгөөр өссөн нь нөлөөлжээ. Харин дотоод өр 292.0 (21.8%) тэрбум төгрөг, өрийн баталгаа 116.1 (10.8%) тэрбум төгрөг, барих-шилжүүлэх төрлийн концесс 70.5 (8.5%) тэрбум төгрөгөөр буурчээ.

ХҮСНЭГТ 2. ЗАСГИЙН ГАЗРЫН НИЙТ ӨР, жил бүрийн эхний хагас жилийн байдлаар, тэрбум төгрөг

Үзүүлэлтүүд	2018 I-VI	2019 I-VI	2020 I-VI	2021* I-VI	2021* I-VI 2020 I-VI
<b>Засгийн газрын нийт өр</b>	<b>21 083.4</b>	<b>22 685.3</b>	<b>25 940.3</b>	<b>27 095.1</b>	<b>104.5</b>
Засгийн газрын дотоод өр (өрийн хэрэгслээр)	2 112.5	1 485.8	1 338.1	1 046.1	78.2
Үнэт цаас	2112.5	1 485.8	1 338.1	1 046.1	78.2
Засгийн газрын гадаад өр <sup>2</sup> (өрийн хэрэгслээр)	16 810.8	19 289.2	22 697.8	24 331.2	107.2
Үнэт цаас	7 142.2	7 707.5	8 186.6	7 976.2	97.4
Зээл	9 668.6	11 581.7	14 511.1	16 354.9	112.7
Засгийн газрын өрийн баталгаа	1 560.1	1 104.3	1 071.4	955.3	89.2
Барих- Шилжүүлэх төрлийн концесс	600.0	806.0	833.0	762.5	91.5

Эх үүсвэр: Сангийн яам,

<sup>2</sup>Нэрлэсэн дүнгээр илэрхийлсэн дүн

Засгийн газрын нийт өрийн 24.3 их наяд төгрөг буюу 89.8 хувь нь гадаад өр, 1.0 их наяд төгрөг буюу 3.9 хувь нь дотоод өр, 955.3 тэрбум төгрөг буюу 3.5 хувь нь Засгийн газрын өрийн баталгаа, 762.5 тэрбум төгрөг буюу 2.8 хувь нь барих-шилжүүлэх төрлийн концесс байна.

ЗУРАГ 1. ЗАСГИЙН ГАЗРЫН ӨРИЙН БҮТЭЦ, дүнд эзлэх хувь, жил бүрийн эхний хагас жилийн байдлаар



Эх үүсвэр: Сангийн яам

Засгийн газрын нийт өрөөс 2021 оны эхний хагас жилд үндсэн төлбөрт 893.0 тэрбум төгрөг, хүүгийн төлбөрт 342.8 тэрбум төгрөг төлөгдсөн байна. Үндсэн төлбөрийн төлөлт энэ оны эхний хагас жилд өмнөх оны мөн үеэс 542.4 (2.5 дахин) тэрбум төгрөгөөр өсөж, хүүгийн төлбөр 82.3 (19.4%) тэрбум төгрөгөөр буурчээ.

## Ойлголт, тодорхойлолт

**Улсын нийт гадаад өр:** Засгийн газар, орон нутаг, Монголбанк болон Монгол Улсад бүртгэлтэй аж ахуйн нэгж, иргэдээс Монгол Улсад бүртгэлгүй, эдийн засгийн харьяат бус аливаа этгээдэд төлөх өрийн хэрэгслээр үүсгэгдсэн төлбөрийн үүргийг ойлгоно. Үүнд гадаад зээл, өрийн бичиг, харилцах хадгаламж, худалдааны зээл болон урьдчилгаа болон бусад өрийн хэрэгслээр үүсгэгдсэн төлбөрийг хамруулна.

**Засгийн газрын дотоод өр:** Өрийн хэрэгслээр үүсгэж, Монгол Улсын Засгийн газраас бусдын өмнө хүлээсэн төлбөрийн үүргийг ойлгоно.

**Засгийн газрын гадаад өр:** Монгол Улсын Засгийн газрын эдийн засгийн харьяат бус аливаа этгээдэд төлөх өрийн хэрэгслээр үүсгэгдсэн төлбөрийн үүргийг ойлгоно. Үүнд гадаад зээл, өрийн бичиг, дотоод үнэт цааснаас эдийн засгийн харьяат бус этгээдийн эзэмшиж буй дүн болон бусад өрийн хэрэгслээр үүсгэгдсэн төлбөрийг хамруулна.

**Засгийн газрын өр:** Засгийн газрын дотоод өр, засгийн газрын гадаад өрийн нийлбэр байна.

**Концесс:** Улсын болон орон нутгийн төсвөөс эргэн төлөгдөх нөхцөлтэй Барих-шилжүүлэх төрлөөр байгуулсан концессын гэрээний хүрээнд гарсан ашиглалтыг үндэслэн бүртгэсэн дүнг хэлнэ. Концесс эзэмшигч концессын зүйлийг өөрийн болон өөрийн боломжоор олсон хөрөнгөөр барьж ашиглалтад оруулан, гэрээнд заасан нөхцөлөөр төрийн болон орон нутгийн өмчлөлд шилжүүлэх нөхцөлтэй концессын гэрээ юм.



**Эх үүсвэр:** Сангийн яам

**Ангилал, код:** Эдийн засгийн секторын ангилал

**Мэдээлэл авах холбоос:**

<http://www.nso.mn/>

<http://www.1212.mn/>

**Дараагийн мэдээ тархаах хуваарь:** 2021 оны 12 дугаар сарын 15

Эдийн засгийн статистикийн газрын  
дарга А.Дэмбэрэл  
Утас (976-11)-329272

Эдийн засгийн статистикийн газрын  
статистикч Ч.Мөнхтуул  
Утас (976-51)-264797



/StatisticMGL



information@nso.mn



1900-1212